

هنا حواس

# قصاقيص الوجد

أشعار

الطبعة الأولى يناير 2018

## بطاقة الكتاب

عنوان المؤلف : قصاقيص الوجد

المؤلف : هناء حواس

التصنيف : أشعار

رقم الإيداع : 4062 - 2018

عدد الصفحات : 100 صفحة

رقم الإصدار الداخلي : 128

تاريخ الإصدار الداخلي : يناير 2018 ( الطبعة الأولى )

تصميم الغلاف والتنسيق : دار النيل والفرات للنشر والتوزيع

الإشراف الفني لجمعية تسهيل الطباعة الشاعرة سميرة محمودى

جميع حقوق الطبع والنشر محفوظة للشاعر، ولا يحق لأى دار نشر  
طبع ونشر وتوزيع الكتاب إلا بموافقة كتابية وموثقة من الشاعر

### دار النيل والفرات للنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

alnilwaalfourat@gmail.com alnilwaalfourat

المقر الرئيسي: ج.م.ع محافظة الشرقية - العاشر من رمضان - مجاورة 13 - أمام سنتر الـ13 - قمار 304

## اهداء ....

إلى قلب الوطن الصامد أمام طوفان الوجد أهدى ديوانى  
الثانى .....

( قصاقيص الوجد )

# وهاتكلم

لو اتكلمت هتكلم  
واقول من تاني واعلم ----  
نفوسكم الي ما بتخجلش  
وهبدا تاني م الروضه  
وتهجي حروف اخلاق  
افهم الي ما بي فهمش  
بأن دينا مبدأنا  
ومبدأنا في أخلاقنا  
واخلاقنا متجزاش  
فيا متاجر بدين ربك  
وبتفسر علي ادك  
وادك لسا ما يكملش  
رسول الله رؤوف وسطي

تعاليموا أمل للكون  
وبشري لآخره متضيعش  
فصمتا لو هتتكلم  
وفكر قبل ما تكمل  
في حكم الله هتلقى الرد  
فسبحانه وضع حكمه  
عدالته قانون –  
ميزان ما يملش

## عجبي.....

عجبي عليك يا زمن  
عجبي علي حالي  
تطحنني فيك المحن  
اغني موالي -----  
تقتل بذور فرحتي  
ينصرني اصراري  
اصل ايماني وتد  
هسند عليه حالي  
واعبر بحور الغرق  
ورضايا بحاري

## بشاره .....

وبستناكي في الرجعه عشان أحمل أنا الشاره  
وبتمناكي منتصره ورجعه الدنيا ببشاره  
حاربتي كتير أعاديكي ولسه الحرب زنهاره  
طمعهم فيكي ما بيخلص يا زينة الدنيا بجداره  
ولكن مين يقربلك وربك قالها يا مناره  
جعل امنك بايد جندك وجندك قوه بتاره  
انا شيفاي لبسه التاج ولمه الكل بأصاله  
ماهوانتى الام يا أمي وقلبك فرحته بشاره

## وهاتكلم 2.....

وهاتكلم ومش هسكت

وهافضل نفسي كده على طول

وهافرض حلمي علي علمي

وهاتحدي نهاية القول

انا الكادح علي أملي ولو قالوا الأمل مشلول

انا الماضي إلى قدري

ولو هو النهايه هنول

فلا تحزن يا اصراري علي حالي

انا هابقي معاك عنطول

# كل عام وانتم بخير

كل عام وانتم بخير  
والاماني رسمه صورة مصر  
بين جامع ودير  
والمعاني الطيبه  
بين الخلايق شئ جميل  
والمبادئ اللي دينا حثها  
تبقي السبيل  
كل عام وانتم بخير  
مقربين من ربنا  
مكبرين طاعه لسنه وملبيين  
ومكملين بجواد أمل  
ان اللي جاي هيكتمل

بألف خير  
والظهر يصبح للنفوس  
طاقة ضمير  
كل عام وانتم بخير

## أنا شاعر ...

انا شاعر

وقلمي حر فوق ورقي ومش صاغر

وهفضل شايله سيف ماضي علي الغادر

ولو قالوا كلام في كلام

هقول جهله من الاخر

فبالكلمه بدأ ربي بكن فيكون

وبالكلمه نزل جبريل بحرف النون

ومن كلمه هتحدد نهاية الكون

فياليت الذي يوهن صدي الكلمات

ويسخر من مشاعرنا من الهمسات

ومن رقة عبير الورد والنسمات

ومن جراه لقول الحق دون سكات

يخط ديله ف سنانه  
ويترحم علي حاله  
مع الاموات .....

## عناء الشعر

لما ابتديت أحبي وسندت ع الحيطه  
ووقعت من ضعفي عيط عوييطه  
لقيت قلم جنبي شخبط شوخبيطه  
طلع كلام منكوش بس عمل زيطه  
قالوا عليه اشعار موزونه ببساطه  
فرحت انا وهللت ونمت مبسوطه  
ما كنت اعرف بان الشعر توريطه  
ساكن ثنايا الروح وكل تنهيده  
تطلع بجرح ونوح ودمعه مكبوته  
بس المشاعر كده والشعر له شروطه  
ياريتني ما كتبته و عملته تحويطه

## شهد الكلام ....

شهد الكلام كلمة سلام  
بتلمي قلبك بالأمل  
وتكون سبيل لألف خير  
فتلاقي حلمك يكتمل  
ويشع نور ينزح قبور  
جوه عقول منغير عمل  
شفطت سواد قلب العناد  
صبحت رماد في عيون ثمل  
لازم يفوق من مخدره  
ونرد عقله نظهره  
وندخله في المحتمل  
والاحتمال واحد يعود

والاحتمال صفر اخسره  
لكن ومن شهد الكلام  
هفضل انادي بالامل  
انا لن امل ولن امل  
مادام روح الله في  
سوف اظل واحتمل

## قطر الغلابه ...

قطر الغلابه الطيبين  
علي نفس قضبان الوجع  
شايل هموم الموجوعين  
وذكريات من فرحهم  
وهما لسه صغيرين  
ماشي يهدد حلمهم  
علي قدوم من صبرهم  
يارب عين  
بس في لحظه القدر  
لحظة خطر  
القطر تاه عن سكته  
شاف دنيته من غير عنين

وكل ناسه الطيبين  
صرخوا معاه صرخة حياه  
بكت العيون كل العيون  
حفرت دموعهم سكتين  
سكة رحيل من غير رجوع  
سكة رجوع من غير حنين  
اه يا أنين الطيبين  
اه يا أنين الطيبين

# صباح الخير

يسعد صباحك يا هرم يسعد صباح النيل  
ويملي يومنا بالأمل فيشع كل جميل  
والمعني يتحول عمل وعملنا يطرح خير  
يارب يا واهب لنا نعم ماليها مثيل  
تجلي نورك أرضنا وذكرتنا بالخير  
مصر يارب حفظتها من ذل نفس وويل  
كمل علينا سترها لالف جيل ورا جيل  
واجعل ولادها وجندها زخر وسند ودليل  
الله اكبر ذكرها هنعدي بيه الليل  
يطلع نهارنا وصبحنا ببركة التراتيل

# لحن المصير

علي خطوة الحرف البرئ  
لسه الأمل خطوه بطئ  
محتاج طريقه يكون جري  
وبالشجاعه يكون مضئ  
فيشع قلمه بالكثير  
ويغني نايه للوطن  
لحن المصير

# بلدى

يا نور عنينا  
أدينا جينا نحضن وادينا  
ونضم وردك  
يا مصر أرضك  
خيرك وعرضك  
واحنا سندك  
لو تندھينا  
نصون ترابك بإدين شبابك  
نصد كيد اللي يعاديننا  
يا دلتا يالي نيلك مخلي  
طميك تملي خصب وزينه  
يا مهد جدي وبناه وسعدي

لحد سدي ما فاض علينا  
يا سيدي سيد جاين نعيد  
عندك يابدوي فرحة وزينه  
بتضوي قلبي وتقول يا بلدي  
ويا كل شبر في قريه ومدينه  
مصر عظيمه  
مصر عظيمه  
مصر عظيمه مصر عظيمه

# بحلم

بحلم وحلمي أخضر  
رقيق عوده مزهر  
وزهره لونه أحمر  
يخطف ضي العيون  
الحلم حنان وألفه  
ولمه في دايره لفه  
ضمه الوطن وخايفه  
عليه من العيون  
اصل انا وطني آيه  
وحضارته كانت بدايه  
وبدايته كانت حكايه  
إحكي يا أبو العيون

شايڤ النهر خالد  
رغم كل المكاييد  
مادد ايده وفايض  
محل العيون  
انا اسفه يا حبيبتي  
لسه هكمل حكايتي  
فاستني بكره جايه  
نفسر القضية  
ونفتح العيون

# متقفون مع إيقاف التنفيذ

جريمه هيه جوه الشوارع مداريه

في بيت قديم جوه التكيه

ابداع يا ناس خنقوه خلاص

جوه ظلام المنهجييه

ووزاره نايمه بثقافه عايمه

مش شايفه غير الارزوقيه

بيشفظو نعم التكيه

ويقولوا فن ابداع مهم

وهو تضييع للقضييه

# آه يا عبدالله

ايه ذنبه عبد الله يموت

مدبوح كده

مجروح كده

مغصوب يكون كبش فدا

للصامتين والساكتين

والحائرنين بين ده وده

الحق صوت واحد وبس

يصرخ في كل الأورده

الانتفاضه يا عرب

ضد الذئاب الشارده.....

## د. زويل 1

ووصي انه يندفن علي ارضها  
علشان أصيل معجون بمية يمها  
ماهو ابنها اللي رفع راسها لفوق  
وكان دليله في كل كلمه عشقها  
وقال نبوغه سره انه ابنها  
بيحبها بيحبها بيحبها  
وهي باكيه عليه وباكي قلبها

## د. زويل 2

رحل زويل وهو عالي  
كما النخيل  
خالد كما الهرم الكبير  
وسام علي صدر كيا مصر  
وتاج علي جبين الضمير  
قاهر حدود المستحيل  
ابكي يا نيل فيض م البكا  
اسقي طريقه سلسبيل  
زهر وخضر الف عام  
عشان ما تنسي ابن مصر  
احمد زويل

## حاله ....

سلمت عليه وجريت م الخوف  
الوش مش الوش المؤلف  
ضحكت كل وشوش التانيين  
وقالولي اسنتي راичه لفين  
الباشا بيلعب وبوشين  
غمضت عنيا ملقتهوش  
وكأني لا شفته ولا عرفتوش  
وكان القصه فشوش في فشوش  
لكن ضاع فيها سنين وسنين  
يلعن أبو كل اللي بوشين  
يلعن أبو كل اللي بوشين

## وش السعد

يا مصر يا أم التوب بلون الورد  
يا قبصه من نفسي يا وجد الوجد  
يا محبباني أعيش بلقمة عيش  
ويرد قلبي على الخاين بسيف الحد  
اللي يحط حدود ما ليها وجود  
غير في خيال الجاهل المرتد  
ولأن انتي مصونه من ربك  
فاستبشري بالخير يا وش السعد

# طير القلب

لسه طير القلب  
مكسور الجناح  
صابر علي بعدكم  
لكنه عمرهما ناح  
ولا مره شال منكم  
ولا قال كفايه جراح  
لانه بيحبكم  
مالي مشاعره سماح  
راضي بجود ودكم  
لو حتي مش مرتاح  
لانه بيحبكم  
وانتوا لوجوده براح

## عجبي 2 ....

مغرور ملك أوماظ شافو إراز فارماه  
في قلب بركة طين حدفه ما بص وراه  
شافو فقير الحال من لمعه في الطين  
فطن لقيمه فلمه وقلبه قال الله  
شكر كريم النعم قام الكريم علاه

## قلب الوطن

ما قلتك قلب الوطن مقهور  
لما خيوط العنكبوت نسجت  
شباك كثيره شكلت ميت غول  
تستني تنهش أي صوت ينبت  
فاصرخ بعلو الصوت صلاح الدين  
هتخاف غيلان الموت وتستموت  
جمع صفوف الحق مليون صف  
الجمع قوه لنصر هيتبت  
وهيرجع الوطن الجريح منصور  
من تاني يبني الاساس للدنيا ويثبت  
احنا الاوائل والدليل محفور  
زيح الغبار راح تثبت المثبت  
القاعده والبرهان في نفس اللوح  
نظرية هنعلمها للمحبط

## بس خلاص ...

والله لطبل وأغني للحق اللي في قلب الناس  
مهما يقول الباطل عنه الباطل وسواس خناس  
يقلب عقلك مليون درجه ويجرك تشرب م الكاس  
والكاس فيه سم قاتل هيموت فيك الاحساس  
لما تشعر بالهمزات اقرا في سرك سورة الناس  
تهدي النفس ويهدي القلب وتطبل بس علي أساس  
يا ابني اسمعني واسمع مني مصر أهم  
بس خلاص

# رمانة الميزان

مصر ابدأ مش شويه –  
مصر شمس الانسانيه  
الزمن يقلب ويرجع  
ومصر ثابتة الهويه  
انتبه لو كنت ناسي  
أو غفلت ولو شويه  
الثوابت شئ اساسي  
ومصراصل الدنيا ديه  
هي رمانة ميزانها  
هي فطرتها السويه

### عجبي 3

هسهس هسيس ورق الشجر  
قالى كلام كله عبر  
يجي الربيع أبقى بديع  
والصيف يعطشنى الشتا  
ولما ييجى الخريف  
تلقانى للارض غطا  
وعجبي

## نخبه ...

قوم اتلم مصر أهم  
من ثرثره وسخافة دم  
بتقول نخبه يادي النبيه  
هي النخبه ناقصها المم  
ولا خيانه وراها خيانه  
عقل ابالسسه وتفكير سم  
لسه هتمكرربنا أمكر  
عدله ميزان لعباده يعم  
فافضل زم وزم وزم  
مصر بفضله أمن وسلم

# يارب .....

يارب يا قهار

خلقت لنا الجنة و خلقت لنا النار

وجعلت لنا ليل وجعلت لنا نهار

فبحق كل جميل خلقتة ورعيته

وبحق كل عظيم ابدعته وحميته

احمي بلادي يارب وصونها م الاشرار

واجعلها واحة امل في كل حذب ودار

واجمع صواب القلوب لدربك المختار

يارب مصر يارب

يارب مصريارب

نجيها يا غفار

# لقمة عيش

مين الي مستني التمن  
علشان يعيش  
والدفع من قهرة وطن  
والاسم عيش  
يا محروقين من ارتفاع  
سعر الوقود  
لسه اقتصادنا ضعيف  
محتاج صلابة عود  
فكفايه رفع المشائق  
فوق حناجركم  
بتشبقوا ف البلد  
باسم لقمة عيش

## مش فوضى ....

ولسه الثوره ممتده علي عقولهم

عقول الخسه والرده

عقول باعت أمل ونجاه

دقون شعسه بلا أفواه

مسوخ في الفكر منحدره

وثورتنا علي عقولهم

هتفضل شوكة في صدورهم

بأن الدنيا مش فوضى

وإن حرمة الاوطان

لها قدسية الايمان

لا هي جدال ولا معارضه

# الحق لازم ينتصر

لسه الكلام هيجيب كلام  
والمعني قادر ينتصر  
ويوثق الموقف تمام  
ويكون دليل المنتصر  
يا لملمات المحبطات  
الحق لازم ينتصر

# وبتعارك مع الدنيا

وبتعارك مع الدنيا  
وبستناها تصالحي  
وهي سايقه في دلالها  
بتهجري وتجرحي  
وبتغازل في ناس مش ناس  
وترمي الملح فوق جرحي  
يعذبني الألم فأتور  
فلاقي في ثورتى فرحي

# حطب النار

ازاي يا ناس الناس  
تبقي خدم ومداس للي يأكلها  
تبيع جوار واخوات  
علشان تلم فتات بيسم افكارها  
قطر يا سوس مدسوس  
من صهينة ابليس  
صنعت مقادرها  
لكن القدير جبار  
راح يجمع الاشرار  
في النار تنورها

## تجريف العقول.....

روحك هتطلع لما تطلع شوف  
هتلاقي نفسك كنت بس خروف  
جاهل وماشي بحبل بيجره  
علي حافة الهوه قرارها مخيف  
اسخف عقول شايله رصاص ودمار  
وبتذكر الاسلام بفكر سخيف  
لا له علاقه بدين ولا احكام  
ولا بسنه وكل ده تجريف  
لعقول من الخسه بنت ابدان  
حرام تقول دول ناس  
وقول حلايف  
من التخلف والبلايه تيوس  
ماشيا ورا الشياطين بلا تكليف

اجرام ورا اجرام يا حزب الشر  
تقتل وتحرق والسبب الزيف  
ايوه يا ابليس السبب تزييف

## 11---11

سراب يا كل أسراب الكلاب  
يا نهاشين قوت البلد  
يا مسعورين علي الخراب  
عاوزنها نار تاكل وطن  
عاوزين جحيم يفني التراب  
ابدا ومش هيكون لكم  
غير غضبة الشعب المهاب  
الشعب ده قال كلمته  
واخذ قراره بالأمل  
علشان ما يرجع الاغتراب  
11---11 لمين  
للاخونه ولا لداعش

ولا لبقيت الذباب  
صهاينه ولا امرىكان  
تركى وزاعنله غراب  
كل الكلاب اجمعوا وبينبجوا  
وهينبجوا  
وهيردحوا  
وهيرجعوا ويروحوا  
ما هما م الاخر كلاب

## مصر أهم .....

شايف يا سيدي شايف يا عم  
شاهد عليهم حالهم يغم  
فاكرين كيان المعارضه زم  
اشتم رئيسك سب ف حكومتك  
وعيب في جيشك تصبح أشم  
جهل المعارض في فرض صوته  
وان الحقائق بيها ملم  
فكر شويه وافضل معارض  
الحكمه نعمه يمكن تضم  
حد يوافقك ويشيل مبادئك  
ولا يبادللك زم بزم  
ارجوك يا حضرت يالي معارض  
حاول تردد ورايا قولي  
مصر أهم مصر أهم

# أنا مصرية

انا مصريه وفخوره  
وعرقى بيسري فيه الدم  
انا أصليه مش صوره  
وفرعونه أب وأم  
انا ماضى يخلد عمر  
وأعمار الجميع بتضم  
انا الدنيا تدرسنى  
وبرضو بتنسى ما بتضم

## فاكر إنه ملاك

فاكر انه ملاك مبيغلطشي  
وكلامه ناشف ومنشي  
مع ان الحجه ضعيفة الحال  
والحال بطل مبيعدلشي  
علشان مغرور قافش علطول  
والصبر معاه مبينفعشي  
علشان ترضيه  
اكذب وواريه  
نافق معاليه وما تندمشي  
هيجبك موت ويكون مبسوط  
وانت هترتاح لو مفهمشي

## غالى .....

غالى الضنا غالى أغلى من الدنيا  
والعمر ما يسوي لو نفقده ثانيه  
غالى غلو الروح تفديه منين ما يروح  
ماهو نبض النفس الي ييجي ويروح  
يا ضل قلبي احميه سمي عليه سمي  
لما تشوفني عنيه القاها بتغني

## طريق القدر .....

ماشي في طريق القدر  
ماشي ومالك صوت  
راضي بكل العبر  
او حتي مش مبسوط  
شاهد علي دنيتك  
وحكمة الملكوت  
انك تعيش الحياه  
علي بال ما ييجي الموت

## يا شيخ .....

يا شيخ بلحيه شبر  
عمال تنبزني  
وتقول وقولك مر  
عالنار بيحدفني  
كل أموري حرام  
قصدك تعجزني؟؟  
وانا شخص اصلي بسيط  
ما اعرف من الدنيا  
غير اني أصلي واصوم  
واتمني لو عمره  
واعيش كفاح الحياه  
واجري علي اللقمه  
فاوعاك تعسرلي ديني

ديني انا حسه  
كله سماحه وأمان  
والسلم من اسمه  
رب العباد رحمن  
رؤوف علي خلقه

## حاله 2 ..... 2

كان بيلعب كان بيضحك  
لما قدره فات عليه  
ثانيه واحده صرخه واحده  
الملاك غمض عنيه  
اه يا قلبي الطف يا ربي  
صبر القلب الي داب  
وجعه عليه  
اللهم لا اعتراض  
أخذ وديعته في المعاد  
والسما فرحانه بيه  
عل الجنان الحلوه رايح  
وابتسامته ضي ليه  
تقول لامه او عاكي تبكي

ده انتي لو شفتي مكانه  
هتسجدي م الفرحة بيه

# يا وطن

كل ما يشتد عودك يكسروك

كل ما يظهر صمودك يقهروك

من دواعش

من صهاينه

من شياطين السياسه

الي لسه بيخنوك

## ضميني .....

خديني تاني لسكتك  
ورجعيني لدنيتي  
انا تهت في حدود المدي  
وتوهنتي غربتي  
ضميني في حضنك أوام  
ضميني أمي وتبتي  
حضنك لروحي براح كبير  
دفعه يدوب قسوتي  
سامحيني تايب م الذنوب  
وباب سماحتك خلوتي  
ضميني اكثر من زمان  
ضميني أمي وتبتي

# نور الله

لسا الامل مكتوب  
ان القلوب تلقاه  
ومدام ف ليل ونهار  
يبقي ف لسه حياه  
يعني ما تحمل هم  
يالي في عينك اه  
ربك كريم وهاب  
ادعي وقول يارب  
تلقاه سند ونجاه  
الله يا نور الله

## آه يا نای .....

ومین قالک تحب یا نای  
وتعزف لحن اشجانک  
ومین قالک تعیش ازای  
وتسکن جوه احزانک  
فلا تشکی ولا تحکی  
ولا تلعن ف ایامک  
طلبت الدمعه من بدري  
ما حد یا حلو  
جابهاک

## الأصل والصوره

كرهنا شكل الذقون بسبب ذقون غيره  
وكرهنا لبس النقاب بسبب نفوس عوره  
يا ذاكر اسم الله اسمع خشوع قلبك  
الشكل مش مقياس ممكن يكون صوره  
فلا الذقون استقامه ولا النقاب الستر  
التقوي هي علامه نفس مقبوله

## 600 حته .....

الهم زاد عالقلب متحملش  
اصبح عليل دقاته متكملش  
يارب ليه خلقتنى شاعر  
كتله مشاعر تدوب من الالم وتكش  
وأنا قلبى شال الهم من بدرى  
من وقت ممسكت القلم وقفشت  
وكتبت عن صدق ومبدأ حق  
وانا الحياه حوليا كذب وغش  
حاولت أحارب واصنع بالقلم فارس  
بيجوب دروب الظلم ولا بيخفش  
لكن رجعت فى درب أوجاعى  
نحيف عليل من ألام عود قش  
يارب حررنى من الكلمات

خلىنى انسان عادى عايش بس  
ياكل ويشرب ينام ويعلى تشخيره  
ويقول عن الاخلاق غباوه وهتش  
يارب قلبى خلاص بقى 600 حته  
نفسى ألمه بقى وأتلم ماتكلمش

## خلخال الأمل .....

الشمس لازم كل يوم تشرق  
تنور الدنيا وتحببها  
ومصر لازم كل يوم تبرق  
بتوب مرصع يتحكي بيها  
دقي بخلخال الأمل خطوتك  
يا مصر دوسي اوجاعك وعديها

## إلى روح أبي .....

عدت عليا الزكريات  
في دقيقه واحده من الزمن  
لما قالولي خلاص ده مات  
صنع السكات صرخة ألم  
في تسع سنين دمع وأنين  
ومرض لعين اسمه الشلل  
كالأخطبوط مد الخيوط  
صنع التابوت بدموع شجن  
وبالف اه سافرت وراه  
دعياله يرتاح م الألم  
وقلوب كتير مليانه خير  
تقرا آيات تصبح سكن  
مستبشرين بالصابرين

لما بدي ضي الكفن  
علي وشه نور ورضي وقبول  
يا فرحتي ردي الشجن  
فربي رحمن رحيم  
يهبه جنات عدن

اللهم ارحم ابي رحمة واسعه وادخله فسيح جناتك يا رب  
العالمين  
توفي 13- 12- 2016 المغفور له  
(ابراهيم سيد احمد حواس)

## صلى على المصطفى ...

الليله ليلة صفا

صفي القلوب صفي

وصلي عالمصطفى

الي هواه صفي

انا قلت ياما كلام

وكتبت علي كفي

لكني ما وفيت

ولا شعري هيو في

حب الرسول في الفؤاد

في البرد بيدفي

ويملا يومك هنا

وم الالم يشفي

يا بلسم المجروح

يا حبنا العفوي

## الباقي لل دراويش .....

سجل انا عربي  
قالها زمان درويش  
بكاني من قلبي  
والنوم حلف ما يجيش  
وسهرت جوه الوجع  
وحلفت اني ماجيش  
وطني حزين مكسور  
وزماني نازل طيش  
ناصر عليه المحن  
باصص في لقمة عيش  
فالي زماني اقول  
لا تأمن الدنيا  
يوما لك تبقي  
والباقي لل دراويش

## إسمع يا عم حسين ....

لسه هقول تاني اسمع يا عم حسين  
وافهم بداية القول من كلمتين اتنين  
وكمان نهاية القول في كلمتين اتنين  
الدنيا والاخره طريق ومش طريقين  
تمشي في دنيا الحياه نافش رموش العين  
منفوخ وجواك فراغ وسواد بلون الطين  
تكره وتحسد وتحقد وتأذي في الباقيين  
تلعن تسب وتسخط ما أنت قليل الدين  
ناقم علي قدرك رافض تكون هين  
مغرور كما الشياطين  
لكن وإيه اخرتك وانت البعيد عاصي  
مربوطه علي دنيتك في النار عذاب وجحيم  
تمشي في دنيا الحياه تلقي قلوب كالطير

م الطيبه والرقه طيرين كما العصافير  
ملايكه جوه بشرمليه قلوبها الخير  
تفرح اذا شقتها تحس بالتبشير  
وان الحياه جنه والاخره تستتي  
تشتاق وتتمني القرب م الغالين  
اللي رضوا ربهم والدنيا كات عندهم  
سبيل لأحلي مصير

## الميدان قلب الوطن .....

كلنا مشروع شهيد

كلنا قلب الوطن

مش هنسمح للعنيد

مهما بيصدر محن

انه ينخر في الكيان

بالشعار الممتهن

قله شارده عن الطريق

جيه تحرمنا الامل

واحنا رغم كل شئ

هنحاربهم بالعمل

والمضي علي الطريق

نصر يسحق العطن

ياشهيد احنا وراك

ضي نورك في العن  
قائد الثوره الجديده  
والميدان قلب الوطن

# والله إني مؤمنه

المعجزات بدأت هنا  
المعجزات من أرضنا  
لما اله العالمين اتجلي  
ع الجبل المقدس عندنا  
يا ربنا باركتنا  
الله اكبر ع المنح  
الانفراد من حقنا  
افخر بنفسك يا ولد  
واوعاك تطاطي للزمن  
راح ينعدل راجع لنا  
انا مش هكتر في الكلام  
يا كل أعداء السلام  
نهايتكوا مرسومه هنا

نور الحضاره بدأ هنا  
وهينتهي من عندنا  
والله اني مؤمنه  
والله اني مؤمنه  
بس بعدالة ربنا

# سفينة نوح .....

وخليكي سفينة نوح و عدينا  
علي بر الامل روجي وودينا  
عشقتاكي و عشقك عالجبين موشوم  
يا قلب الكون يا ماسه لسه مدفونه

## شخبطه.....

ليه الحروف متلخبطه متنعكشه  
والقافيه مش متظبطه  
كان نفسي ارسومها بساط  
واطير علي اخر مدي  
اغزل من الكلمات غطا  
لكن قصيدي معانده متمرده  
سايقه دلها علي الورق  
ومصممه ع الشخبطه

## قسوة .....

كل الكلام الحلو راح  
القسوه ضيعت السماح  
صبحت قلوبنا كما الحجر  
ضاقت بها سبل البراح  
والكل ناقم ع الجميع  
والاتفاق لسه اقتراح  
يا شمس بكره ما تطلعيش  
علي بشر ما بتستحيش  
شغلتها تنبيش الجراح

## زمرة الأشرار

يا زمرة الأشرار يا شاعلين النار  
المولي مش غافل  
هيمدكم طغيان ومال وغي كمان  
ووقاحه الغافل  
بس الحساب هيكون من رب  
عدله قانون  
وحسابه في الآخر  
عد اللي يضل الناس وشباب  
يا ناس كالماس  
خلوه هشش ضامر  
ما بنفع الاوطان وحتى نفسه كمان  
نحروها بخناجر

## زوبعة عفير

خلي الي يقول يقول

ماهي الاقوال كتير

طول ما انت ع الطريق

ومحكم الضمير

قود المسيره عافر

ربك اسمه القدير

هينصرك بصدقك

استبشر بكره خير

وراك شعب يسانداك

لو هاجت البعير

مصر اهم يا قلّه

كزوبعة عفير

تمسح عيوننا منها

ونكمل المسير

# أوجاع

ووسط غيوم

ووسط سدوم

ووسط هموم متتعديش

لمحت وميض

لضي خفيت

فرحت جريت ما صدقتش

وقلت سراب

امل كداب

وقلت الوهم بيهبش

في قلب حزين

وحزنه قديم

صنع اوجاع مبتخفش

ولسه بحور

ولسه بدور  
برغم ده كله ميستش

## سم الناب

وتمرينا السنه  
ويجي نفس المعاد  
وتخرج التعابين  
من جحرها المعتاد  
الشر سم الناب  
نفسه يطول الفؤاد  
بس الفؤاد في السما  
جنب السحاب مجلسه  
يا اخبث الحساد  
ما يطولوا من حقدكم  
سوي غبار التراب  
الي في صدوركم

سواد  
يا رب يا منتقم  
انت السند والمداد

# حمال

حمال بشيل احوال علي ضهري علي راسي  
عمر ما شئى هدى ولا حنيت راسي  
لكن حمل القدس لخبطي انفاسي  
شتت خطاوي الامل لوح باجراسي  
واذان علي مدنتي ودموع قلوب ناسي  
فبحق دمع القلب واذاني واجراسي  
هسبت وما هنكسر وهشيلها علي راسي  
لحد باب الامل يا رب مش ناسي

## من النيل إلى الفرات

بلفور وعدهم من زمان  
والوعد عهد الامريكان  
م النيل الي نهر الفرات  
حلم الصهاينه الي ما هان  
بلفور وعد بالفوض  
في الشرق العتيد  
علي بعد اميال خططوا  
خريطة الشرق الجديد  
والفوضي خلاقه يا عم  
يا كندليسا الحل دم  
اصل الفرات في ايدينا بات  
فاضلنا النيل والهرم  
وده الاهم

بلفور بيصرخ يا وطن  
المصري حطم الامل  
لما هزم حلم الخسيس  
لما انتفض كل البشر  
ملايين علي طول الوطن  
وكانها زفة عريس  
بلفور شيطان تعبان كبير  
عمال يسمم في النفوس  
عمال يصنع اسلحه  
وبيحتمي بكل التيوس  
بلفور خلاص عايز يموت  
عمال بيهدم في البيوت  
عمال بينخر في السكوت  
رايح علي القدس بيلهب  
الف نار

في قلوب هتهزم الانكسار  
يا ملعونين ما تقربوش من قدسنا  
وحلمكم -- المستحيل  
ارهابكوا هيرد عليكوا  
وترامب هيكون الامير  
اعلن خلاص هو وجماعته  
الانتحار  
ياالف مليون الف نار  
قومي احرقى قلب التتار  
ونوري درب العرب  
القدس مستنيه  
تخدوا التار

## آسفه

اسفه جدا يا زمانى  
انى مقدرتش اكون حد تانى  
حد قاسي او اناني  
حد عايش لاجل ذاته  
جوه احساسه الانانى  
اسفه انى لسه جوه الطيبه طفلة  
بحبي بسذاجة معانى  
لا تلومنى يا زمانى  
بكره هبقى حد تانى

ليه؟!.....

وليه دمعي قريب مني  
وليه ما اكونش انا اقوى  
وليه بسمح تعذبني  
وتخرسنى وانا سامعه  
فمن دلوقتي انا هصرخ  
وهرفض انى اكون شمعة  
تنور للجميع سكة  
وهي دايبه من دمعة

## بحور الشعر

بقول الشعر على قدي  
واعوم في بحوره وبعدي  
ساعات الموج يكون على  
يتوهنى ويبعدنى  
ولما يهدي أفرجه  
يبوح قلمى بما بدى  
ولولا الشعر وبحوره  
مكان يرسى غناه عندي

# دموع الصمت

وبيشيل الزمن ويحط  
وبيرسم لقدرك خط  
تحتار الدروب تمشيه  
تطلعه وتنزل بيه  
وترجع من بدايه الخط  
على اول رمال الشط  
وبيغضب فى ثانية الموج  
ويلخبط رمال الشط  
ما يفضل غير دموع الصمت

# الشاعرة فى سطور



الاسم / هناء ابراهيم سيد احمد حواس

حاصلة على عدة تكريمات من اتحاد المبدعين العرب واتحاد

الكتاب المصري وشهادات تقدير من بعض المجلات

الالكترونية

صدر لها ديوان ( فضفضة شهيد )

العنوان / قرية محلة روح ... مركز طنطا ... محافظة الغربية

تليفون / 01066163185

01123650602

## محتوى الكتاب

- # بطاقة الكتاب ..... 2
- # إهداء ..... 3
- 1 - وهتكلم ..... 4
- 2 - عجبى ..... 6
- 3 - بشارة ..... 7
- 4 - وهتكلم 2 ..... 8
- 5 - كل عام وانتم بخير ..... 9
- 6 - أنا شاعر ..... 11
- 7 - عناء الشعر ..... 13
- 8 - شهد الكلام ..... 14
- 9 - قطر الغلابة ..... 16
- 10 - صباح الخير ..... 18
- 11 - لحن المصير ..... 19
- 12 - بلدى ..... 20
- 13 - بحلم ..... 22

- 14 - متقفون مع إقفاف التنففد ..... 24
- 15 - آه فا عبء الله ..... 25
- 16 - ء. زوفل ..... 26
- 17 - ء. زوفل 2 ..... 27
- 18 - ءالة ..... 28
- 19 - وش السعد ..... 29
- 20 - طفر القلب ..... 30
- 21 - عجبى 2 ..... 31
- 22 - قلب الوطن ..... 32
- 23 - بس ءلاص ..... 33
- 24 - رمانة المفران ..... 34
- 25 - عجبى 3 ..... 35
- 26 - نءبة ..... 36
- 27 - فارب ..... 37
- 28 - لقمة عفش ..... 38
- 29 - مش فوفى ..... 39

- 30 - الحق لازم ينتصر ..... 40
- 31 - وبتعارك مع الدنيا ..... 41
- 32 - حطب النار ..... 42
- 33 - تجريف العقول ..... 43
- 34 - 11-11 ..... 45
- 35 - مصر أهم ..... 47
- 36 - أنا مصرية ..... 48
- 37 - فاكر إنه ملاك ..... 49
- 38 - غالى ..... 50
- 39 - طريق القدر ..... 51
- 40 - ياشيخ ..... 52
- 41 - حالة 2 ..... 54
- 42 - ياوطن ..... 56
- 43 - ضمينى ..... 57
- 44 - نور الله ..... 58
- 45 - أه ياناى ..... 59

- 46 - الأصل والصورة ..... 60
- 47 - 600 حته ..... 61
- 48 - خلخال الأمل ..... 63
- 49 - صلى على المصطفى ..... 66
- 50 - الباقي لل دراويش ..... 67
- 51 - اسمع يا عم حسين ..... 68
- 52 - الميدان قلب الوطن ..... 70
- 53 - والله انى مؤمنة ..... 72
- 54 - سفينة نوح ..... 74
- 55 - شخبطه ..... 75
- 56 - قسوه ..... 76
- 57 - زمرة الأشرار ..... 77
- 58 - زوبعة عفير ..... 78
- 59 - أوجاع ..... 79
- 60 - سم الناب ..... 81
- 61 - حمال ..... 83

- 62 - من النيل الى الفرات ..... 84
- 63 - آسفة ..... 87
- 64 - ليه؟! ..... 88
- 65 - بحور الشعر ..... 89
- 66 - دموع الصمت ..... 90
- 67 - الشاعرة فى سطور ..... 91
- 68 - محتويات الكتاب ..... 92

